

Memoria
Dulcissimi, nunc desideratissimi Parentis;
VIRI
VENERANDI RELIGIOSISSIMI ATQVE CLARISSIMI,
DN. GUDBRANDI
JONÆ,

ECCLESIAE VATNZFIORDINÆ IN ISLANDIA PASTORIS VIGILANTISSIMI;

Vicinarumq; Præpositi meritisimi,

placidissimâ analyti; Anno MDC XC. die V. Octobris piè defuncti;

Imprimatur,
C. BARTHOLIN.

tenui sed piâ Elegiâ pro modulo renovata
à filio

VIGFUSO GUDBRANDI.



Sumite Pegafidum, feralia plectra camœ-
næ

In lacrymas abeat, quod fuit ante melos,
Ponite nunc laurum, funebrem ferte cu-
pressum,

Conueniens vestris luctibus illa foret.

Cymbala nunc sileant, nunc Barbytos omnis abesto.

Calliope at mœstis carmina pange modis,

Pectora cara mihi, carissima pectora Phœbo

Auricommo; mœstos ingeminate modos.

Ingeminate Sonos tristes ac lumine tristis,

Flete novos casus, quos pia cura movet,

Arte laboratas vestes, auroq; rigentes

Ponite; nam properans causâ doloris adest,

Funereos habitus, largoq; fluentia fletu

Pallia; mox Lachelis sumere lava iubet,

Eheu! quam fragili dependent omnia filo;

Nos sumus objecti, casibus innumeris.

Ros abit, aura fugit; fugit irrevocabile tempus,

Talis vita hominum; taliter omnis abit.

Vitam quid sequitur? mors? mortem? funera: quid tum?

Vitam ineunt sancti; quæ sine fine manet.

Vitam inuit nuper GUDBRANDUS sine carentem,

Qui magnæ matri reddidit ossa suæ,

In lacrymas dolor ire iubet mihi perfida fata,

Partem animæ rapitis, dimidiumq; mei.

Carus erat pater, atq; mihi devinctus amore,

Tempore longinquo, prohi dolor ossa tenet!

Quid doleo? genitor carnis compage solutus

Post mundi sordes regna beata tenes.

Nos mala fallacis patimur ludibria mundi.

Te tenet excelsi Regia celsa Dei.

Nostra per altisonas jactatur cymba procellas,

Nescia quo timidam, pontus & aura vocet,

In placidum portum tua nunc onerosa carina,

Evafit Scopulos, & vada magna maris.

Nostros ante oculos errant mortalia mœstos,

Cœlicolûm cernis cominus ore choros.

Ad Patriam varios proficisci cogimur omnes,

Per casus; patriæ nunc colis arva tuæ.

Siste metum genitrix; fratres caraq; sorores,

Sic visum est superis, solvite corde metum

Quid fles cara parens? vectum super altra maritum

Quid te tantus habet nocte dieq; dolor?

Cur nunc effuso Lacrymarum flumine vultum

Nubilat æterni turba sacra Deiq;

Non est (vera loquor) mors hæc aut funus acerbum;

Sed Lucrum, placidus somnus & alma quies.

Tempus erit, quo nos melior Dea cœca revilet,

Auspiciis lætis; & meliora dabit.

Tempus adest, quo nos fato poscente seqvamur,

Ignari nobis quid vehat alma dies.

Sentit in excello mens patris gaudia olymbo,

Nec volet hoc iterum corpore posse regi.

Corpus humo positum, sinuosa aliquando relurget,

Candidius gemmis, solis & instar erit,

Sic dabitur nostris, defunctum cernere ocellis,

Gaudentem aspectu colloquioq; Dei.

Felix, ô nimium felix qui numine dextro,

Ipse in portu libera vela trahit

Felix, ter nimium felix qui funere tali,

Æterna in Domino luce beatus ovat.

Faxit id & numen cum spiritus ossa reliquit;

Sic etiam nobis molliter ossa cubent,

Fac simul Angelici, stipent mea terga ministri,

Ante oculos cum stat mortis imago meos.

Te propiore frui: cupio, speroq; JEHOVA

Est ludus, luctus, fabula, vita mea,

Christus vita mihi reputatur, mors mihi lucrum,

Morte sua mortem qui superavit ovans.

Sic veniat mors dura licet non horreo mortem,

Lætatus moriar, mors mihi somnus erit,

HH 2d. 1012 (1873-74)